



PREDSTAVNIČKI / ZASTUPNIČKI DOM

ПРЕДСТАВНИЧКИ ДОМ
БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

PRIMLJENO: 17-03-2025 10⁰⁵

| Organizaciona jedinica | Klasifikaciona oznaka | Redni broj | Broj priloga |
|------------------------|-----------------------|------------|--------------|
| 01 | 02-2 | 702/25 | |

Sarajevo, 17.3.2025. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

N/r g. Denis Zvizdić, predsjedavajući

Predmet: Prijedlog Rezolucije radi razmatranja na sjednici Predstavničkog doma, dostavlja se

Na osnovu člana 163. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23 i 50/24) podnosimo „**Prijedlog Rezolucije o osudi napada vlasti Republika Srpska na ustavni poredak Bosne i Hercegovine sa pozivom na odlučno djelovanje nadležnih institucija u cilju zaštite ustavnog poretka, očuvanja mira i poštivanja Dejtonskog mirovnog sporazuma**“.

Zahtjevamo da se u skladu sa članom 70. stav (3) Poslovnika, Prijedlog rezolucije uvrsti u dnevni red 26. sjednice Predstavničkog doma Parlamentarne skupštine Bosne i Hercegovine zakazane za 17.3..2025. godine

U prilogu dostavljamo tekst Prijedloga rezolucije.

Poslanici/zastupnici:

Šerif Špago:

Milan Dunović:

Edin Ramić:

Vlatko Glavaš:

Safet Kešo:

Zlatan Begić:

Midhat Čaušević:

Nermin Mandra:

Denijal Tulumović:

Amor Mašović:

Šemsudin Dedić:

Prijedlog

Privrženi principu vladavine prava, poštivanju Ustava Bosne i Hercegovine i Dejtonskog mirovnog sporazuma (DMS), kao i razvoju demokratskih institucija ;

Svjesni značaja aktuelnih političkih procesa u Bosni i Hercegovini, regionu i na širem međunarodnom planu;

Posvećeni očuvanju mira i stabilnosti u našoj zemlji i regionu kao ključnih uslova za razvoj i prosperitet bosanskohercegovačkog društva u cjelini;

Snažno opredijeljeni za evropsku budućnost Bosne i Hercegovine i njenu izgradnju kao moderne, demokratske i sigurne države;

Zabrinuti zbog nastavka i intenziviranja napada na ustavni poredak Bosne i Hercegovine od strane aktuelnih vlasti bosanskohercegovačkog entiteta Republika Srpska;

Podsjećajući na definiranu obavezu relevantnih subjekata političkog i društvenog života u Bosni i Hercegovini da sarađuju sa svim institucijama koje učestvuju u provedbi Dejtonskog mirovnog sporazuma, uključujući posebno Aneks 4;

Podsjećajući da član VI.5. Ustava Bosne i Hercegovine definiše da su „**Odluke Ustavnog suda konačne i obavezujuće**“;

Imajući u vidu da nepoštivanje odluka Ustavnog suda Bosne i Hercegovine, nepoštivanje odluka Suda BiH i Tužilaštva BiH i donošenje zakona kojim se zabranjuje rad pojedinih institucija Bosne i Hercegovine na prostoru entiteta RS predstavlja napad na ustavni poredak Bosne i Hercegovine;

Na osnovu člana IV.4.e) Ustava Bosne i Hercegovine i člana 163. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ , br. 79/14, 81/15, 97/15, 78/19, 26/20, 53/22, 59/23, 87/23 i 50/24), Predstavnički dom Parlamentarne skupštine Bosne i Hercegovine, na 26. sjednici održanoj 17.3.2025. godine, usvojio je

REZOLUCIJU

O OSUDI NAPADA VLASTI ENTITETA REPUBLIKA SRPSKA NA USTAVNI POREDAK BOSNE I HERCEGOVINE SA POZIVOM NA ODLUČNO DJELOVANJE NADLEŽNIH INSTITUCIJA U CILJU ZAŠTITE USTAVNOG PORETKA, OČUVANJA MIRA I POŠTIVANJA DEJTONSKOG MIROVNOG SPORAZUMA

1. Predstavnički dom Parlamentarne skupštine Bosne i Hercegovine jasno i nedvosmisleno naglašava da su Sud BiH, Tužilaštvo BiH, Visoko sudsko i tužilačko vijeće BiH te Državna agencija za istrage i zaštitu (SIPA) kao institucije Bosne i Hercegovine koje su izložene nezakonitim odlukama vlasti entiteta RS donešenim na sjednici Narodne skupštine RS održanoj 27.02.2025. godine, formirane na osnovu zakona usvojenih u Parlamentarnoj skupštini Bosne i Hercegovine kroz redovnu parlamentarnu proceduru te da zabranu njihovog rada u entitetu RS nije moguće izvršiti na bilo koji drugi način osim isključivo donošenjem zakona kroz propisanu parlamentarnu proceduru u Parlamentarnoj skupštini Bosne i Hercegovine.

2. Predstavnički dom Parlamentarne skupštine Bosne i Hercegovine pozdravlja donošenje odluka Ustavnog suda Bosne i Hercegovine kojima usvaja zahtjeve podnosilaca za donošenje privremene mjere u predmetima broj U-6/25, U-7/25 i U-8/25, a kojima se privremeno stavlja van snage Zakon o posebnom registru i javnosti rada neprofitnih organizacija („Službeni glasnik RS” broj 19/25), Zakon o neprimjenjivanju zakona i zabrani djelovanja vanustavnih institucija BiH („Službeni glasnik RS” broj 19/25), Zakon o dopuni Krivičnog zakonika Republike Srpske („Službeni glasnik RS” broj 19/25) i Zakon o Visokom sudskom i tužilačkom vijeću Republike Srpske („Službeni glasnik Republike Srpske“ broj 19/25) do donošenja konačne odluke Ustavnog suda Bosne i Hercegovine o podnesenim zahtjevima.

3. Predstavnički dom Parlamentarne skupštine Bosne i Hercegovine traži od Suda Bosne i Hercegovine, Tužilaštva Bosne i Hercegovine, VSTV-a Bosne i Hercegovine i Agencije za istrage i zaštitu (SIPA-e) da odgovorno, pravovremeno i u potpunosti izvršavaju svoje zakonske nadležnosti radi procesuiranja svih odgovornih za napad na ustavni poredak Bosne i Hercegovine.

4. Predstavnički dom Parlamentarne skupštine Bosne i Hercegovine traži od Vijeća ministara da obezbjedi sve neophodne materijalne i kadrovske pretpostavke da Sud Bosne i Hercegovine, Tužilaštvo Bosne i Hercegovine, VSTV Bosne i Hercegovine i Agencije za istrage i zaštitu (SIPA-e) mogu pravovremeno izvršavati nadležnosti utvrđene zakonima Bosne i Hercegovine. U potpunosti podržavamo odluke zaposlenika navedenih institucija kao i zaposlenika svih drugih institucija Bosne i Hercegovine da svoj radno - pravni status rješavaju u institucijama BiH, te tražimo od Vijeća ministara BiH da planski rade na poboljšanju statusa zaposlenika institucija BiH.

5. Predstavnički dom Parlamentarne skupštine Bosne i Hercegovine podsjeća sve izabrane i imenovane osobe na svim nivoima vlasti u Bosni i Hercegovini, a posebno predstavnike vlasti entiteta Republika Srpska da je Parlamentarna skupština Bosne i Hercegovine jedina institucija koja može u propisanoj proceduri mijenjati Ustav Bosne i Hercegovine.

6. Predstavnički dom Parlamentarne skupštine Bosne i Hercegovine poziva sve niže nivoe vlasti u Bosni i Hercegovini da se pri donošenju propisa striktno pridržavaju ustavnih i zakonskih nadležnosti, te da se posebno posvete donošenju mjera na provođenju neophodnih socioekonomskih reformi koje imaju za cilj poboljšanja standarda građana i ispunjavanje prioriteta na evropskom putu Bosne i Hercegovine.

7. Predstavnički dom Parlamentarne skupštine Bosne i Hercegovine očekuje od Vijeća za implementaciju mira, Ureda visokog predstavnika, EUFOR-a i država svjedoka DMS da zajedno sa institucijama Bosne i Hercegovine ispune obaveze proizašle iz Dejtonskog mirovnog sporazuma, te odlučno reaguju s ciljem očuvanja mira i stabilnosti u Bosni i Hercegovini.

Broj:

Sarajevo,

Predsjedavajući Predstavničkog doma

Parlamentarne skupštine BiH

Denis Zvizdić